

IOANNES  
PAVLVS  
PP. II

*Servus Servorum Dei  
ad perpetuam rei memoriam.*

*✠ In vita eorum qui, humani-  
tatis nostrae consortes, ad ima-  
ginem tamen Christi perfectius  
transformantur - cf. 2 Cor. 3, 18 -  
Deus praesentiam vultumque  
suum hominibus vivide manife-  
stat ✠ - Conc. Oecum. Vat. II, Const.  
Dogm. de Ecclesia, Lumen Gen-  
tium, 50 - Dei praesentiae in ip-  
sius populo admodum nitens si-*

grum fuit Beatus Raphaël a S. Jose-  
pho - qui saeculari nomine Joseph - Ka-  
linowski vocabatur -, qui humiliter et fi-  
deliter divini & Magistri semitas est per-  
secutus, quique cum eodem in caritate  
coniunctus, gloriam caelesti Patri red-  
didit atque Ecclesiae mirabiliter per  
vitae sanctitatem inserviit, regulas nor-  
masque sectans Ordinis Carmelitarum  
Discalceatorum. Sic Christi discipu-  
lus clarus Vilnae ortus est die 1 men-  
sis Septembris anno MDCCXXXV ex  
Polonica familia, a qua christianam  
disciplinam solide doctus est. In ur-  
be sua natali tiro fuit & Nobilium Col-  
legii; in oppido quod Fory - Fory vo-  
cant agronomiae scholam frequenta-  
vit et deinde & Militarem Scholam  
doctrinae machinalis Sancti Petro-  
burgi, machinarii subcenturionis con-  
sequens gradum pariter ac adiutoris

ipsius Academiae. Postquam autem  
illam urbem reliquit, ubi amiserat simul  
fidei firmitatem interioremque pacem,  
in ferriviam delineandam quæ est  
Kursk - Kiev - Odessa operam contulit.  
Anno MDCCCLXII Privatibus in sum-  
morum ducum coetum exercitus Rus-  
sici est ascitus. Interea eius assidua  
de veritate inquisitio compensata est:  
religiosas angustias evicit atque Dei  
amore in homines plectus, fidem po-  
suit veluti suæ vitæ fundamentum  
et vitam proximi bono dedere decrevit.  
Parvo igitur contentus, reliqua pau-  
peribus destinabat. Illo tempore scho-  
lam condidit iuvenibus nullo dato  
pretio diebus dominicis erudiendis  
quam per se ipse curavit. Polonica ex-  
orta secessione anno MDCCCLXIII ad-  
versus dominium Russorum imperato-  
rum, Beatus ne contra populum suum

bellum gereret, ab exercitu Russorum  
decessit atque, petentibus secessionis fau-  
toribus, in Lituania praefecti rei belli-  
cae officium suscepit patriae affectu  
permotus, hac tamen conditione ne ul-  
lum capitis damnaret. Cum inceptum  
irritum fuisset, in vincula ipse est con-  
iectus die XV mensis Martii, anno  
MDCCCLXIV. Pro capitali supplicio  
quo erat damnatus in ergastulum de-  
cem annis in Siberia est datus. Om-  
nia aequo animo pertulit, quin immo  
iuvit concaptivos eosque est solatus, qui  
eundem habentes sanctum diligebant.  
His obviantibus difficultatibus mul-  
tum in spiritali vita est progressus, et  
claustrum quoddam ingredi decrevit,  
Deum solum culturus eiusdemque lau-  
des. Libertate repetita anno MDCCCL-  
XXIV, adiit Varsariam, deinde Lute-  
tiam Parisiorum, Venerabilem Dei

Servum persequens Augustum Czartoryski, quem tres annos docuit. Dum hic de Societate S. Francisci Salesii cogitabat, Beatus Raphaël Dei amore pervictus rerumque terrestrium vinculis solutus, Ordinem Carmelitarum Discalceatorum ingressus est. In Austria noviciatum peregit; anno MDCC-LXXI, in Hungaria vota sollemnia nuncupavit et anno insequenti Czernae apud Cracoviam, presbyteratus ordine est auctus. Domini populi que permotus studio, vitam exemplo et verbo in presbyterale ministerium explendum impendit, omnes ad sanctitatem concitans. Suo quoque Ordini complura beneficia praestitit, in quo a superioribus ac fratribus sodalibus magni existimatus nonnulla officia sustinuit. Compluries fuit Czernae prior. Iterum claustrum Wesolae composuit, quo frequentes advenerant mo-


niales monasteriorum delectorum. Ipso auctore claustra Premisliae et Leopoli orta sunt. Veluti inspector et Vicarius Provincialis, maxime de monialibus sui Ordinis curavit, ut excubiae essent in Ecclesia precantes pro bono totius populi Dei. Ut suae provinciae vocationes praestaret, in oppido quod Wadowicē appellant undēque olim feliciter sumus orti ephēbeum condidit illis iuvenibus qui se Deo consecrare cupiebant. Quod institutum paucis annis adolevit et effloruit. Sic novissimos annos partes prioris prudenter sustinens duxit. Silens nempe ac deprecans, omnino a rebus extrariis seiunctus ac plene hilariterque vocationi respondens, cum Deo ambulavit cuius voluntati omnimodis paruit. Sincera fide sustentatus aequae ac ferventi caritate firmaque spe, in vinea Domini prompta voluntate adlaboravit, contem-

plativam vitam commiscens cum apostolica actione, recessum assidua frugiferaque cum industria in hominum salutem versa, qui eius pelfecti virtutibus ad ipsius ministerium decurrebant. Exquisitus fuit confessarius ac spirituum moderator. Ex eo novum vigorem cepit Carmelitarum Discalceatorum Ordo in Polonia. Cunctis qui eundem offendebant consilio vitaeque ipsa magister fuit, qui clarum Dei amoris, Eucharistiae, Virginis & Mariae, Ecclesiae et proximi disciplinam docuit. Peculiari dilectione fratres Ecclesiarum non catholicarum, prosequens, precatus est et operatus pro Christi gregis unitate, spectata praesertim Russia Orthodoxa. Laboribus absumptus et aerumnis, a populo cultus et fratribus sodalibus, pie de vita die XV mensis & Novembris anno MCMVII in oppido Wadowice discessit. Sanctitatis fama ma-

nente, Cracoviae Archiepiscopus anno  
MCMXXXIV canonizationis causam inco-  
havit. Celebratis dein ad iuris normam  
canonicis processibus et inquisitis pri-  
mum virtutibus deinde miraculo vesti-  
gato quod eius deprecationi evenisse  
dicebatur, die XXII mensis Junii anno  
MCMLXXXIII Nos Ipsi, Cracoviae eum  
renuntiavimus Beatum una cum Dei  
Servo Venerabili Alberto Chmielow-  
ski. Processus porro ad canonizatio-  
nem obtinendam constitutus est ad Cra-  
coviensem Curiam de mira quadam sa-  
natione Beato adscripta. Eventu hoc  
inquisito et comprobato Nobis coram de-  
cretum super miro die X mensis Julii  
anno MCMXC emissum est. Consentien-  
tibus Fratribus Cardinalibus et Epi-  
scopis, in Consistorio coadunatis in Ur-  
be Vaticana die XXVII mensis Novem-  
bris anno MCMXC, decrevimus cano-

nizationis ritus ut die XVII mensis & No-  
vembris anno MCMXCI celebraretur, ob-  
veniente scilicet IV saeculari memoria  
S. Joannis a Cruce ab obitu, Carmelita-  
rum una cum S. Teresia a Jesu reforma-  
toris. Hodie igitur hanc inter sacra e-  
diximus formulam: ~ Ad honorem  
Sanctae et Individuae Trinita-  
tis, ad exaltationem fidei catho-  
licae et vitae christianae incremen-  
tum, auctoritate Domini nostri Je-  
su Christi, beatorum & Apostolo-  
rum Petri et Pauli ac & Nostra, ma-  
tura deliberatione praehabita et di-  
vina ope saepius implorata, ac de  
plurimorum fratrum & Nostrorum  
consilio, Beatum Raphaellem a  
Sancto Joseph Katinowski Sanctum  
esse decernimus et definimus,  
ac Sanctorum Catalogo adscribi-  
mus, statuentes eum in universa Ec-

clesia inter Sanctos pia devotione  
recoli debere. In nomine Patris et  
Filii et Spiritus Sancti - Quod au-  
tem decrevimus, volumus et nunc et in  
posterum tempus vim sortiri, contrariis  
rebus minime officientibus quibuslibet.  
Datum Romae apud Sanctum Petrum,  
die decimo septimo mensis Novembris, an-  
no Domini millesimo nongentesimo no-  
nagesimo primo, Pontificatus Nostri  
quarto decimo.



Ego Ioannes Paulus  
Catholicae Ecclesiae Episcopus

Eugenius Ser., Prot. Apost.